

IQRA'

Bil. 3/2023
MAC



Amanat Ketua Pustakawan
PTAR 1 Shah Alam - muka 7



Penyertaan Staf PKEJ dalam Kejohanan Bowling
Piala Ketua Pustakawan
PKEJ - muka 15



Majlis Lambian Kasih Budi Dikenang,
Bakti Dijulang Cik Ilya Nur Fateen Othman
PTAR Kampus Jasin - muka 19




Wakaf Buku 6.0
PAB Kampus Jengka - muka 21



Majlis Kemuncak Inovasi & Kualiti UiTM
PTA Kampus Machang - muka 24

PROMOSI@PTAR



Kata alu-aluan *Ketua Pustakawan*

Assalamualaikum WBT dan Salam Sejahtera.

Saya memanjatkan sepenuh kesyukuran ke hadirat Allah S.W.T. kerana dengan limpah rahmat-Nya, IQRA' telah berjaya diterbitkan hasil kerjasama antara sidang redaksi IQRA' dan penulis di Perpustakaan UiTM keseluruhannya. Setiap keluaran IQRA' menghimpunkan pelbagai berita yang berlangsung di Perpustakaan UiTM, samada berbentuk program, aktiviti, latihan, lawatan, ceramah, sukan, pencapaian dan khidmat masyarakat.



Encik Jamalludin Haji Sulaiman
Ketua Pustakawan UiTM

IQRA' ialah wadah penghubung antara Perpustakaan UiTM dan pembaca. Berita-berita yang diterbitkan mencerminkan kesungguhan perpustakaan melaksanakan amanah mengemudi perpustakaan demi melihat kejayaan anak bangsa pada masa hadapan. Tidak lengkap rasanya jika himpunan berita ini tidak diterbitkan demi rujukan generasi akan datang.

IQRA' telah diterbitkan secara digital dalam format buku elektronik sejak tahun 2016. Ini bermakna telah enam tahun IQRA' menyimpan berita tentang Perpustakaan UiTM secara atas talian. Kini IQRA' telah diterbitkan dalam format portal berita digital dan menjadikan akses pembaca kini lebih pantas.

Suatu hari nanti, IQRA' akan mempunyai nilainya yang tersendiri terutama di kalangan penyelidik yang ingin merujuk tentang Perpustakaan UiTM. IQRA' dan penulisan perlu bergerak seiring. Penulisan ialah salah satu aktiviti pembudayaan ilmu. Penulisan bermula hasil cetusan daripada pembacaan menerusi pelbagai medium maklumat, samada bercetak mahupun elektronik. Melalui penulisan, ilmu pengetahuan individu akan berkembang dan mendorong kepada penciptaan maklumat baharu. Memetik kata-kata penulis tersohor Indonesia, Pramoedya Ananta Toer, "Orang boleh pandai setinggi langit, tapi selama ia tidak menulis, ia akan hilang dalam masyarakat dan dari sejarah. Menulis adalah bekerja untuk keabadian".

Akhir kata, syabas dan tahniah saya ucapkan kepada sidang redaksi IQRA' serta para penulis yang telah menyumbang kepada penerbitan IQRA' kali ini. Semoga jasa baik tuan/puan akan dibalas dengan sebaik-baik balasan jua.

Wassalam.

Encik Jamalludin bin Haji Sulaiman,
Ketua Pustakawan UiTM.

Sidang Redaksi



UNIVERSITI
TEKNOLOGI
MARA

Perpustakaan
Tun Abdul Razak

IQRA'

PENASIHAT

En. Jamalludin bin Hj. Sulaiman

EDITOR

Pn. Shahidatul Akhmam Rambeli

PENYELARAS

Pn. Asmah binti Sabtu

REKA BENTUK GRAFIK

Pn. Noor Azureen Abd Aziz

Shah Alam	: Asmah Sabtu, Norazlin Mohd. Yusof, Nor Hafizah Md. Hanafiah, Rizana Mohd Radwan, Hanani Rojikin
Melaka	: Hazlin Ibrahim Khan, Siti Haidah Md Aziz, Ilya Nur Fateen Othman
Perlis	: Khairil Izwan Hasan
Sabah	: Marlia Yuming, Alfera Zurhain Sairin
Kedah	: Mohd Amiruddin Mohd Nasir
Pulau Pinang	: Nor Azilawati Mohamad Azmi, Nurhayati Hassan
Kelantan	: Norfitriah Mat Seman, Rosmariyati Ab Rahman
Perak	: Muhamad Azim A'nsori, Nur Dayana Mohd Narwawi
Sarawak	: Hapsah Suut, Dyg Azimah Abg Yusof, Normah Saadie
Pahang	: Muniratul Husna Mohamad Zaki, Mohd Anwar Hassim
Terengganu	: Mohd Shahnizam Mat Zain, Asmahani Abdullah, Nurmaisari Che Anuar
Johor	: Siti Rozana Mat Sanat, Nor Azelea Mohd Azahar
N. Sembilan	: Syaiful Hisyam Saleh, Mohd Hafiz Kasirun, Muhammad Syafiq Amirullah
Selangor	: Hafiza Mustape, Nur Fatihah Muhammad, Fatin Hanisah Ahmmad Rofee, Wan Rohani Wan Chin, Norliza Othman, Adi Azri Mohamad, Suzana Ishak, Nurkhairunisa Jaafar

KEKERAPAN KELUARAN: 12 KELUARAN SETIAP TAHUN

PENERBIT

Perpustakaan Tun Abdul Razak (PTAR),
Universiti Teknologi MARA,
40450, Shah Alam
Selangor Darul Ehsan.

PROGRAM BERSAMA FULLBRIGHT SPECIALIST, PAULA LACKIE 8 MAC 2023

Disediakan oleh: Asmah Sabtu



Shah Alam, 8 Mac 2023 – Bersempena lawatan Ms. Paula Lackie, Perpustakaan Tun Abdul Razak (PTAR) telah menganjurkan Program Bersama Fulbright Specialist di Bilik Seminar, PTAR. Mengiringi Ms Paula Lackie ialah Pensyarah Fakulti Pengurusan Maklumat UiTM cawangan Negeri Sembilan iaitu Dr. Wahidah Mohd Zain dan Dr. Zahril Shahida Ahmad.

Lawatan Ms. Paula Lackie ke PTAR merupakan antara aktiviti yang telah dirancang oleh penganjur program International Symposium on Open Science for Information Professionals yang diadakan di Akademi Kepimpinan Pendidikan Tinggi (AKEPT). Program Bersama Fulbright Specialist, Paula Lackie anjuran PTAR bermatlamat sebagai perkongsian maklumat dan pengalaman mengenai Sains Terbuka (Open Science) dan pengurusan hasil data penyelidikan (Research Data Management-RDM). Program yang berlangsung selama dua jam ini telah dihadiri oleh Ketua Timbalan Pustakawan Tuan Ts. Hj. Azizi bin Jantan bersama-sama 46 orang Pustakawan UiTM secara bersemuka.

Menerusi ucapan alu-aluannya, Tuan Ts Hj. Azizi mengalu-alukan kehadiran dan kesudian Ms. Paula Lackie berkunjung ke PTAR sambil berkongsi pengetahuan beliau bersama Pustakawan UiTM. Tambah beliau lagi, konsep Sains Terbuka dan pengurusan hasil data penyelidikan kini semakin menjadi perhatian dan PTAR telah memulakan inisiatif dengan menganjurkan siri program kesedaran (awareness) dan pembangunan bakat.

Berikutnya, Timbalan Ketua Pustakawan Dr. Hajah Zalifah Awang Zakaria menyampaikan ucapan mengenai inisiatif-inisiatif yang telah dilakukan oleh PTAR seperti portal Open Access Discovery, portal Open Educational Resources dan Research Data Sharing. Menerusi program ini, beliau turut berkongsi berkenaan kaedah pelaksanaan Sains Terbuka di PTAR.

Ms. Paula Lackie memulakan ucapannya mengenai situasi global dan konsep “keterbukaan” dalam penyelidikan dan penerbitan. Galakan terhadap perkongsian data dan maklumat semakin menjadi budaya dalam dunia penyelidikan hari ini. Beliau turut berkongsi mengenai faedah yang akan diperolehi daripada pembudayaan perkongsian maklumat penyelidikan antaranya bidang perubatan yang berupaya mempercepatkan tempoh masa penghasilan vaksin. Perkongsian Ms. Paula Lackie yang berjudul “What is ‘Open’ about Open Science” telah menarik lebih 16 soalan daripada para peserta yang hadir pada pagi itu.





UNIVERSITI
TEKNOLOGI
MARA

Perpustakaan
Tun Abdul Razak



UiTM *di hatiku*

PTAR
"LIBRARY for ALL"



@libraryuitm



@libraryuitm



@perpustakaanuitm



@uitmlibrary



@perpustakaanuitm

Hubungi kami:



03 5521 1704



korporatptar@uitm.edu.my



Unit Penerbitan dan Pemasaran,
Bahagian Korporat dan Kolaborasi,
Perpustakaan Tun Abdul Razak (PTAR),
UiTM Shah Alam.



library.uitm.edu.my